



Aqqalu C. Jerimiassen

UKA 2022/122

Atassut

06. oktober 2022

**Uunga siunnersuut: Grønlands tekniske Organisationi pillugu Inatsisartut peqqussutaata nr. 8, 19. december 1986-imeersup allanngortinneqarnissaa pillugu Inatsisartut inatsisaat**

(Nunalerinermut, Imminut Pilorsornermut, Nukissiutinut Avatangiisinullu Naalakkersuisoq)

Nukissiuutit ataavartut siunissamut tassaapput eqqanaarinnittuusussat inuiaqatigiit innaallagiaqarnikkut kiassarnikkullu inerisarneqarnissaannut.

Taamaattori unammillingassagut suli annertoqaat. Nukissiorfiillu siulersuisulerneqarneratigut ilumut tamanna eqqanaarneqarsinnaanersoq apeqqusernartoqarsinnaavoq, naalakkersuisoqarfiup ataaniit toqqaannaq illikartinneratigut qanoq ililluni kinguaattoorutit aaqqinneqarsinnaanersut nalorninartoqarmat.

Akit assigiittussaanerata eqqunneqareernerata kingorna Nukissiorfiit ineriartornerat malinnaatinneqarsimanngilaq, uungaaraannarlu ajoraluartumik aaqqiineq isignerusimasoq taaneqarsinnaalluni. Oqanngilagulli akit assigiittussaatitaanerata eqqunneqarsimanera akerleralugu, tapersorsorparput, tapersorsorparput ilaana, uanili malitsigisassai eqqanaarlugit inissinneqarsimannginnerisa malitsigisaannit inerisaqqinnissami unammillernarluinnartumi inissisimalersimanerattaaq qiviartariaqarlugu.

Taamaammaat uani aaqqiiniarnermi apererusunnarluni, ilumut una aaqqiissutissaq tamakkununnga iluarsiissutaajumaarnerpa?

Ikummatissamik sumiiffippassuit suli maannakkuungallaq innaallagissamik pilorsorneqarnermikkut isumalluuteqangaatsiarput, imaliinnarlunilu aaqqiivigineqarsinnaanissai piffissaq qaninnej takorlooruminaalluni. Erngup nukinganik pilorsorneqarnissamut sumiiffiit unammillernartumiittut nukissiuutinut ataavartunut ikaarsaariartuaartinneqarnissaannut periusissiaruna sumiinniartoq taava? Seqerngup qinggaqneranit pilersinneqarsinnaasut annertugisassaangillat, anorisatitigullu nunami issittumi suli inerisaasimaneq naammaginartumiinera taaneqarsinnaanani. Taamaattumik ikummatissamik isumalluuteqarneq suli ukiuni aggersuni imaliinnarlugu ipernarneqarsinnaanera takorlooruminaappoq, taava sooq uuliamik gassimillu qalluisinnaanermut nunatsinni periarfissaqarneruna matoqqatinniaannarniaripput? Nunarsuummi sinnerani naatsorsuutigineqarpoq, ukiut 50-it sinnilaarlugit qaangiuppata maanna qalluiffiulluartut paqqertitilerumaartut, malitsigisaanillu qularnanngilaq issittoq tassani isumalluutitut isiginiarneqalerumaartunut ilaalerumaartoq annertuumik. Qanorluunniit annertutigisumik nukissiuutinut ataavartunut

ikaarsaarniartigingaluarutta, naatsorsuutigereersinaavarput ukiuni aggersuni suli ikummatissaq annertuumik isumalluutaajumaartoq, qanorsuarluunniit nukissiuutinut mingutsitsinngitsunut ikaarsaarnissamik suliniuteqartigingaluarutta.

Nukissiorfillu maanna ingerlanerata allanngortinnejnareratigut, siulersuisoqalersinneratigut tamanna qanoq ililluni aaqqiivigineqassagami? Taava akit assigiisikkunnaaqjinnejnaratassanersut siunissami aarleqqutigisinnaalissanerparput?

Siunnersuulli itigartiinnangikkaluarlugu ataatsimiitsitaliaq tassani annertuumik suliassaqaqqaartoq qularnanngilaq, naalakkersuisunillu qanimut suleqateqarnissaq pisariaqarluinnartoq.

Taamatut oqaaseqarluta, Atassummiit siunnersuut aappassaaneerneqartigani ataatsimiitsitaliamukarteqqaarnissaa innersuupparput.